

先秦—清末



《中國野史集成》編委會
四川大學圖書館 編

中國野史集成


錢謙題



《中國野史集成》編委會
四川大學圖書館 編

中	國
野	史
集	成
3	

先秦——清末



巴蜀書社

目錄 (第三冊)

十六國春秋(卷七十六—卷一百).....	一
晉五胡指掌(上下集).....	一七五
和苞漢趙記.....	二二一
王度二石傳.....	二二二
范亨燕書.....	二二三
田融趙書.....	二二七
吳篤趙書.....	二二九
常璩蜀李書.....	二二〇
王景暉南燕書.....	二二一
車頻秦書.....	二二一
裴景仁秦記.....	二二四
姚和都後秦記.....	二二五
張諮涼記.....	二二六
劉昉敦煌實錄.....	二二七
涼州記.....	二二八
喻歸西河記.....	二二二
高閭燕志.....	二三三

張詮南燕書.....	二三五
沙州記.....	二三四
平陳記.....	二四〇
大業雜記.....	二四一
隋遺錄.....	二四六
大業拾遺記.....	二四九
東觀奏記.....	二五一
奉天錄.....	二六四
新城錄.....	二九五
文武兩朝獻替記.....	二九八
大中遺事.....	三〇二
牛羊日曆.....	三〇四
安祿山事蹟.....	三〇七
平巢事蹟考.....	三三五
廣陵妖亂志.....	三四四
隋唐嘉話.....	三四九
翰林志.....	三五八
次柳氏舊聞.....	三六二
朝野僉載.....	三六五
卓異記.....	三六八

十六國春秋蜀錄目

仁和 汪日桂 一之

蜀錄一

春秋卷第七

李特

蜀錄二

春秋卷第七十七

李流

李雄

蜀錄三

春秋卷第七十八

李班

十六國春秋蜀錄目

李期

李壽

李勢

蜀錄四

春秋卷第七十九

李輔

李庠

李驤

李蕩

李始

李合 稚珩

李安

李離

特妻羅氏

雄妻任氏

壽妻閭氏

蜀錄五

春秋卷第八十

閭或

尹奉

十六國春秋蜀錄目

王載

李釗

范長生 賁

楊褒

譙秀

龔壯

張寶

李洪

李高

蜀錄目 畢

蜀錄一

春秋卷第七十六

魏 散騎常侍 崔 鴻 撰

李特

李特字玄休略陽臨渭人也祖世本巴西宕渠

賈氏即廩君之苗裔昔巴郡南部蠻本行五姓

皆出於武落鍾離山即今夷陵郡巴山縣時山崩有石穴

二所一赤如丹一黑如漆有出於赤穴者名曰

務相姓巴氏有出於黑穴者凡四姓樊氏暉氏

一作暉一作姓又音審栢氏鄭氏五姓俱出迭相爭焉未

十六國春秋卷七十六

有君長俱事鬼神乃相與擲劍於石穴約能中

者奉以為廩君四姓莫著而巴氏子務相劍獨

懸焉眾皆歎服又以土為船彫畫之而浮水中

曰若其船浮者以為廩君唯務相船又獨浮因

共立之遂稱廩君乘其土船將其徒卒從一作當

夷水而下至於鹽陽按今夷陵郡巴山縣清江水一名夷水鹽水

有神女子止廩君曰此地廣大魚鹽所出願留

共居與子俱生可止無行廩君曰吾當為君求

廩地不能止也鹽神暮輒從廩君宿旦即飛去

化為飛蟲諸蟲皆從其飛掩蔽日光天地晝晦

廩君欲殺之不可復別又不知天地東西如此

者十餘日廩君乃以青縷遺鹽神曰嬰此即宜

與汝俱生弗爾且將去汝鹽女受而嬰之廩君

至碭山上望廬有青縷者跪而射之中鹽神鹽

神死諸蟲與俱飛者皆去天乃開明一作明廩君

復乘土船下及夷城夷城石岍嶮曲泉水亦曲

望如穴狀廩君疑之歎曰我新從穴中出今又

入此柰何岍即為崩廣三丈餘而階陛相乘廩

十六國春秋卷七十六

君登之岸上有平石方一丈五寸一作長五尺廩君

休其上投策計筭皆著石焉因立城其旁有而

居之四姓皆臣事之是時廩君死魂魄化而為

白虎故巴氏以虎飲人血遂以人為祠其後種

類籛盛秦併天下以為黔中郡薄賦歛之口歲

出錢四十一作三十巴人呼賦為賓藏崇切因謂之賓

民焉漢高祖為漢王募賓民平定三秦既而不

願出關求還鄉里高祖以其功復同豐沛不供

賦稅更名其地為巴郡土有鹽鐵丹漆之利民

用敦阜俗性剽勇好鬼巫又善歌舞高祖愛其舞詔樂府習之今巴渝舞是也漢末張魯居漢中以鬼道教百姓賓民敬信多往奉之值天下大亂李氏自巴西之宕渠遷入漢中楊車坂抄掠行旅百姓患之號爲楊車已其後龔昌分爲數十姓魏武克漢中特祖父虎與杜朴胡約楊車李黑等按三國志作巴七姓夷朴胡賓巴侯杜獲舉巴夷民來附孫盛曰杜音浮將五百餘家歸魏魏武嘉之拜虎等爲將軍遷於略陽洛陽一云後徙關內亦萬餘家散居隴

十六國春秋卷七十六

三

右諸郡及三輔弘農所枉北地復號之爲巴氏特父慕爲東羌獵將慕凡有五子輔特庠流驤皆驍銳有武幹特少仕州郡見異當時身長八尺雄勇善騎射沉毅有大度晉惠帝元康中氏齊萬年反關西擾亂天水略陽扶風始平諸郡皆被兵寇氏頻年大饑百姓流移就殺相與入漢川者數萬家特隨流民將入巴蜀道路有疾病困厄者特兄弟常營護賑救之既至劍閣箕踞太息顧眄險阻曰劉禪有如此之地而面縛

於人豈非庸才耶同移者聞或音趙趙補何巨李遠任回等咸歎異之初流民既至漢中上書以郡土連年軍荒求寄食已蜀朝議不許遣侍御史李苾持節慰勞且監察之不令入劍閣苾至漢中受流民貨賂反爲表曰流民十餘萬口非漢中一郡所能賑贍東下荊州水湍迅險又無舟船蜀有倉儲人復豐稔宜令就食朝廷從之由是開關放入漢中布散梁州及三蜀界不可禁止永康元年冬十一月詔徵益州刺史趙廞

十六國春秋卷七十六

四

音爲大長秋以成都內史中山耿騰代廞爲益州刺史折衝將軍因廞所服佩廞賁后之姻親也聞徵甚懼且以晉室衰弱而趙星黃占曰星黃者王陰懷異計蜀土四塞可以自安遂與健爲太守李苾汶山太守霍固西夷校尉陳總據成都叛潛有劉氏割據之志乃傾倉廩賑施流民以收衆心見特兄弟材武與已同郡黨類皆巴西人率多勇壯厚卹遇之以爲爪牙特等憑恃廞勢聚衆專爲劫盜蜀民患之滕數密表流

民剛剽一作剛慤蜀人懦弱客主不能相制必爲亂

階宜遷還其本土不者與東三郡險地觀其情

態漸不可長恐秦雍之禍更移於梁益矣又言

倉廩空虛無以應敵萬一告急必貽聖朝西顧

之憂廡聞而惡之時成都治少城益州治太城

廡猶在太城未去益州被詔書已遣文武千餘

人往迎滕滕以廡未出州故在郫廡募庠黨羅

安王利等劫滕大敗於廣漢宜化亭殺傳詔者

滕欲入州功曹陳恂諫曰今州郡並治兵構怨

十六國春秋卷七十六

五

日深入城必有大禍不如安住少城以觀其變

乃檄諸縣合村堡以備秦氏陳西夷行至且當

待之不爾可退保犍爲西渡江源以防非常滕

不從是月遂率衆入城登西門廡遣親近代茂

攻滕茂告之而去廡又遣兵逆擊與滕戰於西

門滕敗死郡吏皆竄走惟陳恂面縛詣廡請滕

喪廡義而許之廡又遣兵逆西夷校尉陳總

至江陽聞廡有異志主簿蜀郡趙模曰今州郡

不協必生大變當速行赴之府是兵要助順討

逆誰敢動者總更緣道停留北至南安魚涪津

已遇廡軍模白總散財募士以拒戰若克州軍

則州可不克順流而退必無害也總曰趙益

州忿耿侯故殺之與吾無嫌何爲如此模曰今

州起事必當殺君以立威雖不戰無益也言至

垂涕總不聽衆遂自潰總逃草中模著總服格

戰廡兵殺模見其非是更搜求得總殺之廡自

稱大都督大將軍益州牧署置僚屬改易守令

以武陽令蜀郡杜淑別駕張聚巴西張龜西夷

十六國春秋卷七十六

六

司馬龔尼江源令犍爲費遠等爲左右長史司

馬叅軍召臨邛令涪陵許介爲牙門將召諸士

官莫敢不往又以廣漢太守張微汶山太守楊

邠成都令費立爲軍諮祭酒永寧元年春正月

庠與兄弟流驤帥妹婿李含天水任回上官悺

悺字陽國志作品

扶風李攀始平費能氏苻成隗伯章

勝等以四千騎歸廡廡以庠爲威寇將軍封賜

泉亭侯委以心膂使招合六郡壯勇以斷北道

庠本東羌良將且驍勇得衆心素曉軍法不用

麾幟舉矛爲衝伍斬部下不用命者三人部帥肅然厥惡其齊整欲殺之蕭未言長史杜淑司馬張粲說厥曰傳云五大不扛邊將軍起兵始爾而遽遣李庠握彊兵於外愚竊惑焉且非戎族類其心必異倒戈授人竊以爲不可願將軍圖之厥歛容謝曰卿言正合吾意可謂起予者商此天使卿等成吾事也會庠在門請見厥大悅引見之庠欲觀厥意旨再拜進曰今中國大亂無復綱紀晉室不可復興明公道格大地德

十六國春秋

卷七十六

七

被寰區湯武之事實在今日宜應天時順人心拯百姓於塗炭使物情知有所歸則天下可定非但庸蜀而已也厥怒曰此豈人臣所宜言令淑等議之淑粲因白厥以庠大逆不道當棄市遂於會所斬庠及其兄子宏宗族三十餘人皆見殺時特與流皆將兵在外厥慮其爲變遣人撫慰之曰庠非所宜言罪應至死兄弟罪不相及復以特流爲督將安慰衆心併以庠喪還特其夜特流徹衆歸綿竹厥遣故陰平令張衡外

還費恕因就緩納皆爲特所殺厥牙門許介求爲巴東監軍杜淑張粲固執不許介怒於厥圖下手刃淑粲淑粲左右復殺介三人皆厥之心腹也厥由是遂衰又恐朝廷討已遣長史費遠蜀郡太守李苾督護常俊督萬餘人斷北道次綿竹之石亭特密收兵得七千餘人夜襲遠等遠等大敗因放火燒之死者什八九遂進攻成都厥聞兵至驚懼不知所爲費遠李苾及軍諮祭酒張微一作微夜斬關出奔文武盡散厥獨

十六國春秋

卷七十六

八

與妻子乘小船走至廣都爲其部下朱竺所殺特入成都縱兵大掠殺西夷護軍姜發長史袁洽及厥所置守宰長吏遣牙門王角李基詣洛陽陳厥罪狀先是涼州刺史羅尚聞趙廞叛上表稱厥非雄才又蜀人不願爲亂事終無成願往征之惠帝詔拜尚爲平西將軍領護西夷校尉益州刺史督牙門王敦上庸都尉義歆蜀郡太守徐儉廣漢太守辛冉等率七千餘人入蜀特等聞尚來甚懼使弟驤於道奉迎并獻寶物

尚悅以驤爲騎督特流復以牛酒勞尚於綿竹王敦辛冉說尚曰特等流民專爲盜賊急宜梟除可因會斬之不然後必爲患尚不從冉先與特有舊因謂特曰故人相逢不吉當啗矣特深自猜懼三月尚至成都初朝廷符下秦雍州凡流民入漢川者皆令所在召還又遣御史馮該張昌督之特兄輔素留略陽託言迎家既至蜀謂特曰中國方亂不足復還特以爲然遂有雄據巴蜀之意累遣天水間或詣羅尚求權停至

十六國春秋

卷七十六

九

秋又納賂於尚及該尚該許之會朝廷論討趙

廩功拜特宣威將軍封長洛

一作樂

鄉侯流奮威

將軍封武陽鄉侯璽書下益州條列六郡流民與特協同討廩者將加功賞廣漢太守辛冉以非次見徵不願應召又欲以滅廩爲已功乃寢朝命不以實上衆咸怨之尚又遣從事催督遣流民限七月上道特等固請求停至秋收時流民布在梁益爲人傭力聞州郡偏遣人人愁怨不知所爲且水潦方盛年穀未登無以爲行資

特復遣間或詣尚求停至冬辛冉及健爲太守李斌以爲不可尚舉別駕蜀郡杜弼秀才或爲弼說逼移利害弼亦欲寬流民一年尚用冉斌之謀不從弼乃致秀才板出還家冉性貪暴欲殺流民首領取其資貨乃與斌白尚言流民前因趙廩之亂多所剽掠宜因移徙設關以奪取之尚移檄令梓潼太守張演於諸要施關搜索寶貨特兄弟數爲流民請留流民皆感而特之多相率歸特特乃結大營於縣竹以處流民且

十六國春秋

卷七十六

十

移辛冉求自寬冉大怒遣人分勝通衢購募特兄弟許以重賞特見之大懼悉取以歸與弟驤改其購云能送六郡首豪李任間趙楊上官及氐叟侯王一首者賞百疋流民旣不樂移咸往歸特騁馬屬韃同聲雲集旬月之間衆至二萬流亦聚衆數千人特復遣間或詣羅尚求申明或旣至見冉營柵衝要謀拊流民歎曰無寇而城讐必保焉民心方危今而速之亂將作矣又知冉必意不可回遂辭尚歸縣竹尚謂或曰于

且以吾意告諸流民今聽寬矣或曰明公或於
奸說恐無寬理弱而不可輕者民也今促之不
以理衆怒難犯恐爲禍不淺尚曰然吾不欺子
子其行矣或至縣竹言於特曰尚雖云然未可
必信也何者尚威信一作刑不立冉等各擁強兵
一旦爲變亦非尚所能制深宜爲備特從之冬
十月特分爲二營特居北營流居東營繕甲厲
兵戒嚴以待之冉苻相與謀曰羅侯貪而無斷
日復一日令流民得展奸計李特兄弟並有雄
才吾屬將爲豎子虜矣宜爲決計羅侯不足復
問也乃遣廣漢都尉魯元牙門張顯劉並等潛
帥步騎三萬襲特營羅尚聞之亦遣督護田佐
助元特素知之元等至特安卧不動待其衆半
入發伏擊之殺傷甚衆殺田佐魯元張顯傳首
以示尚冉尚謂將佐曰此虜成去矣而廣漢不
用吾言以張賊勢今若之何是時杜弢自湘中
與監軍柳純書曰前諸人不能寬李特一年又
不以徐士稚爲汝山太守而屯故如此謂失之

毫釐差以千里斯言有似然必以不杜漸爲
者流民初西當承詔書閉關不入其次易代趙
廩選宜內遣平西綿竹之會聽王敦之計少可
以寧毫釐之差正彼之謂也於是六郡流民推
特爲王特命六郡民部曲督李含上邽令任斌
始昌令閻或諫議大夫李禁陳倉令李武陰平
令李遠將兵都尉楊褒等上書請依梁統本實
融故事推特行鎮北大將軍承制封拜流及兄
輔弟驤皆號爲將軍以相統鎮於是進兵攻辛
冉於廣漢冉衆出戰特屢敗之尚遣李苻及費
遠率衆救冉畏特不敢進冉智力俱困出奔德
陽晉書作江陽特入據廣漢以李超爲太守進兵攻
尚於成都尚以書諭閻或或復書曰辛冉傾巧
魯元小豎李叔平非將佐之才曷前爲節下及
杜景文論流徙之宜人懷桑梓孰不顧之但往
日初至隨穀傭賃一室五分復值秋潦乞須冬
熟而信用讒構終不見聽繩之太過窮鹿抵虎
流民不肯延頸受刀以致爲變卽聽或言寬使

治嚴不過去秋九月盡集十月進道今還鄉里
何有如此也或又陳特兄弟立功王室以寧益
士尚覽書知特等將有大志嬰城固守特乃自
稱使持節大都督鎮北大將軍承制封拜一依
賈融在河西故事兄輔爲驃騎將軍弟驤爲駙
騎將軍弟流爲鎮東大將軍號東督護長子始
爲武威將軍次子蕩爲鎮軍將軍少子雄爲前
將軍李含爲西夷校尉舍長子國次子離任回
李恭上官品李攀費佗等爲將帥任臧上官悛

十六國春秋

卷七十六

主

楊褒楊珪王達麴歆等爲爪牙李遠李博女斌
嚴璽上官琦李濤王懷等爲僚屬或爲謀主
何巨趙肅爲腹心時羅尚貪殘日甚爲百姓患
而特與蜀民約法三章施捨賑貸禮賢拔滯軍
政肅然蜀民大悅爲之謠曰李特猶可羅尚殺
我乎西將軍及更爲禍尚頗爲特所敗乃阻長
圍緣郾水作營壘自都安至健爲連延七百里
與特相持因求救於梁寧二州及南夷校尉李
毅太安元年春正月羅尚遣牙門夏斤攻特於

立石失利夏四月征西將軍太尉河間王司馬
顯遣督護衙博討特博進次梓潼朝廷復以前
廣漢太守張微爲廣漢太守軍於德陽南夷校
尉李毅亦遣使兵五千助尚尚遣督護張龜督
四十牙門軍於繁城博潛遣叅軍蒙紹誘特降
尚遣博書曰昔年得李流賤降心欵欵由時威
帖得還爲寇聞特誠於下吏而流驤七八千人
來寇日至凶奸之態詭譎不測不可不重以待
之也博不從特使其子鎮軍將軍蕩等襲博而

十六國春秋

卷七十六

主

自將擊龜破之蕩敗博兵於陽沔梓潼太守張
演委倉庫走巴西郡丞毛植五官襄珍舉郡降
特蕩進攻博於葭萌博走其衆盡降群下推特
爲益州牧都督梁益二州諸軍事大都督大將
軍秋八月特攻破德陽殺郡守張微初特屢敗
微軍未克議欲釋微還涪諸將進曰微軍連戰
士卒傷滅知勇俱竭宜因其弊遂擒之若舍而
寬之微養病收亡餘衆更合圖之未易也特從
之復進攻微微潰圍走遣將水陸追之遂害微

生擒微子存以微喪還之特以別將驍碩爲德陽太守碩略地至巴郡之墊江劾特之攻張微也使弟驍騎將軍驤與任回李攀李恭屯軍毗橋以備羅尚尚遣軍挑戰驤擊破之尚又遣數千人出戰驤又破陷之遂進攻成都大獲器械攻燒其門流進軍成都之北尚遣別將張興僞降於驤以觀虛實時驤軍不過二千人興夜歸白尚尚遣精勇萬人銜枚隨興夜襲驤營李攀逆戰死之驤及將士奔於流柵併力翹攻尚軍

十六國春秋

卷十六

五

大破之尚軍擾亂失其器甲還者十二三先是衝懷之敗朝廷更用許雄爲梁州刺史征西將軍雄數遣軍攻特特陷破之備險不得進河間王司馬頤欲遣監軍劉沉將兵西征以中國有爭不果而南夷校尉李毅所遣使兵亦數挫收特勢轉盛於是建寧大姓李叡毛詵逐太守杜俊朱提大姓李猛逐太守雍約以兵應特衆各數萬南夷校尉李毅討破之斬詵李猛奉牋降毅而辭意不遜毅誘而殺之建初元年春正月

胡特潛渡江擊破羅尚水上軍特從益底渡黨進寇成都蜀郡太守徐儉以少城降特入據之匪取馬以供軍餘無侵掠赦其境內收元建勢特以李璜作璜爲蜀郡太守撫慰其衆尚據太城自守流進屯江西之檢上尚懼遣使求和蜀民危懼並結村塢送款於特特遣使安撫之乃以軍中穀少遣六郡流民分口入城且於諸塢就食壯勇督領村塢流言於特曰殿下神武已克少城然諸塢新附人心未固且山藪窮荒糧

十六國春秋

卷十六

六

仗不多宜錄州郡大姓子弟以爲質任送付廣漢繁之二營收集猛銳嚴爲防衛又與司馬上官惇曰納降若待敵不可易也前將軍雄亦以爲言特大怒曰大事已定但當安民何爲更逆加疑忌之心使之離叛乎益州兵曹從事蜀郡任叡華陽國志作任說尚曰特旣南逆侵暴百姓又分散人衆在諸村塢就食驕恣無備殆天亡特之秋也晉書作是天亡之時也宜密約諸塢刻期同

發內外擊之破之必矣尚從之使啟夜縋山城

宣告諸村塢期以二月十日同時討特手書隱

語曰在彼揚水獻先僞請特降究觀虛實特問

城中人情何如獻曰糧儲已欲盡但餘貨帛耳

因求出省家特與獻信獻還報尚尚如期出軍

討特諸塢亦許一時赴會二月朝廷遣荊州刺

史宋岱建平太守孫阜率水軍三萬救尚岱以

阜爲前鋒進次德陽特遣蕩督蜀郡太守李瑱

助德陽太守騫碩一作臧拒阜阜等軍勢甚盛諸

塢皆有二心尚遣大衆掩襲特營諸塢皆應之

連戰二日衆少不敵特軍大敗收合餘衆引趣

新篠尚軍引還特復追之轉戰三十餘里尚出

大軍逆戰至於官桑特軍敗績斬特及李輔本

遠皆焚其屍傳首洛陽特在位一年其子雄偕

稱成都王追謚景王及稱尊號追謚曰景皇帝

廟號始祖

春秋第七十六卷

蜀錄二

春秋卷第七十七

魏 散騎常侍 崔 鴻 撰

李流

李流字玄通特第四弟也少好學便弓馬東羌

校尉何攀見而奇之稱流有賁育之勇舉爲東

羌督護及避地益州益州刺史趙廞甚寵異之

乃使庠收合部衆流亦招鄉里子弟得數千人

及庠爲廞所殺流從特安慰流民破常俊於緄

竹平趙廞於成都朝廷論功拜奮威將軍武陽

鄉侯特初承制以流爲鎮東將軍居東營號爲

東督護常統銳衆與益州刺史羅尚相持尚不

能破特既見殺蜀人多叛流與特子蕩雄收集

餘衆還於赤祖流自稱大都督大將軍益州牧

保東營蕩雄保北營時荊州刺史宋岱率水軍

三萬助尚次於墊江前鋒建平太守孫阜攻破

德陽獲特所署太守任臧守將騫碩等退屯涪

陵縣三月尚遣督護常深軍昆橋又遣牙門左

汎黃閭何冲三道攻之進次篠城緄竹守將詣

十六國春秋卷七十七

降涪陵民藥紳杜阿等亦起兵應尚流與其
驤拒深使蕩雄拒紳何冲乘虛攻北營底苻成
隄伯石定在營中叛應之攻蕩雄蕩母羅氏擐
甲拒戰伯手刃羅傷其面晉書羅氏壯氣益烈
時成伯戰於內冲等攻其外自晨至日中營垂
欲破會驤破深柵深士魚星散蕩雄亦攻破紳
各引兵還與冲等戰大破之成伯率其黨突出
詣尚流等乘勝進抵成都尚復閉城自守蕩馳
馬逐北爲僂長矛所椿死朝廷復遣侍中燕國

十六國春秋

卷十七

二

劉沉假節統益州刺史羅尚梁州刺史許雄等
軍討流行次長安河間王司馬頤請留沉爲軍
師遣席遠代之流以特蕩繼死而岱阜將至甚
懼太守李含又勸流降流將從之驤與雄迭諫
不納夏五月流遣子世及含子胡爲質於阜阜
不許胡兄離爲梓潼太守聞父舅欲降自梓潼
馳還欲諫不及退與雄謀襲阜軍曰若功成事
濟當爲人主要三年一更一作約與君雄曰與
君計雖定老子不從一作今計可將若之何離

曰今當制之若不可制便行大事雖君叔父勢
不得已老父在君夫復何言雄大喜乃共誘說
六郡流民曰吾屬前已殘暴蜀民今一旦束手
便爲魚肉惟有同心襲阜以取富貴耳眾皆從
之雄遂與離襲破阜軍死者甚衆會宋岱卒於
墊江荊州軍退轉攻尚流慙其短大奇雄才軍
事悉以任雄雄進攻尚軍尚保太城中六月雄
從帛羊頽渡江攻殺汶山太守陳圖遂取郫城
秋七月朔雄入據郫城流盡移營屯之三蜀百

十六國春秋

卷十七

三

姓皆保險結塢或南入寧州或東下荊州城邑
皆空野無烟火流虜掠無所得士眾饑乏惟涪
陵民千餘家在江西依青城山處士范長生平
西叅軍涪陵徐興說尚求爲汶山太守欲邀結
長生等與尚犄角討流尚不許興怨之乃求使
江西叛降於流流以興爲安西將軍與說長生
使資給流軍糧長生從之流軍得以復振九月
流疾篤謂諸將曰驍騎高明仁愛識量多奇固
足以濟大事然前軍英武殆天所相可共受事

於前軍以爲成都于也遂死時年五十六諸將共立雄爲主雄僭稱尊號追諡流曰秦文王以其子龍嗣

李雄

李雄字仲雋特第三子也母羅氏夢雙虹自地升天一虹中斷旣而生蕩後羅氏因汲水忽然如寐又夢大蛇繞身遂有孕十四月而生雄常言吾二兄若有先亡在者必大貴蕩竟前死雄身長八尺三寸容貌魁偉少時廣漢太守辛冉

十六國春秋

卷七十七

四

見而奇之曰此相當貴又有術士相之曰此君將貴其相有四目如重雲鼻如飛龍口如方壘耳如相望法爲大貴位過三公不疑也雄少有烈氣每周旋鄉里識達之士皆器重之太康中有劉化者道術士也每謂鄉里曰關隴之士皆當南移李氏子中惟仲雋天姿奇異有大貴之表終爲人主也鄉里人多善之與叔父庠並以氣烈聞人爭歸之特起兵於蜀稱益州牧承制以雄鎮梓潼拜前將軍流亦素重雄有長者之

德每云興吾家者必此人也勅諸子尊奉之及流死雄自稱大都督大將軍益州牧都郫城乃募武都人朴泰鞭之見血使給羅尚曰李驤與雄以饑餓孤危日鬪爭相咎驤欲將民江西食殺若潛軍入郫城我爲內應城可得也尚以爲然大與金寶泰曰今事故未立效後取未晚也又求遣人自隨覘伺尚益信之悉出精兵使隗伯等將之從泰攻郫泰約舉火爲應驤騎將軍驤於道設伏泰以長梯倚城而舉火隗伯兵見火起皆爭緣梯上泰又以繩汲上伯軍百餘人皆斬之驤因縱兵內外逆擊大破之追奔逐北夜至城下詐稱萬歲曰已得郫城矣入少城尚乃覺之退保太城隗伯創甚雄生獲之伯女爲梁雙妻時雙爲雄用故赦不殺旣而復叛驤別攻隗爲斷尚運道獲郡守龔恢恢先爲天水西縣令任回爲吏回問曰識故吏否恢曰識汝耳郡吏星散惟功曹楊渙侍衛回謂渙曰卿義人也吾力恐不能救龔君不能免卿也宜早去渙

十六國春秋

卷七十七

五

曰背主求生何如守義而死遂并見殺雄以李
溥爲健爲太守初尚之在郾城也與雄攻戰郾
令健爲張昕欽明每摧破雄雄與戰之而昕等
救助不能并心爲雄所殺雄常言使羅尚將皆
如張昕輩吾族早無遺矣時牙門左汜亦有戰
功尚不益其兵穀汜甚恚恨以母喪歸尚累召
不往尚怒曰微左汜當不復滅賊乎遂殺之雄
聞汜死大小相賀冬十二月雄急攻尚尚糧運
不繼軍士無食皆牙門張紆固守尚娶城山牛

十六國春秋卷十七

六

魏水夜遁比雄覺去已遠倉卒失節鉞羅從後
得之并獲資應乃開門納雄遂剋成都盡有其
地雄軍甚饑餒率衆就穀於郾山掘野芋而食
之蜀民流散東下江陽南陵七郡

建興元年春正月羅尚逃至江陽遣使表狀詔
尚權統巴東巴郡涪陵以供軍賦尚遣別駕李
興詣鎮南將軍劉弘求糧弘綱紀以運道阻遠
且荊州自空乏欲以零陵米五千斛與尚弘曰
天下一家彼此無異吾今給之則無西顧之憂

矣遂以三萬斛給之尚賴以自有雄以西山范
長生有名德爲蜀民所重欲迎以爲君而臣之
長生固辭雄乃深自挹損不敢稱制事無巨細
皆決於李國李離兄弟國等有智謀凡事必諮
而後行然國離事雄彌謹楊驤楊珪等諸將因
請雄卽尊位遂以晉永興元年冬十月僭稱成
都王卽位於南郊大赦境內殊死已下改元建
興除晉法約法七章以叔父驤爲太傅庶兄始
爲太保折衝將軍離爲太尉從弟建威將軍雲

十六國春秋卷十七

七

爲司徒翊軍將軍璜爲司空材官將軍國爲太
宰閭或爲尚書令楊褒爲左僕射楊驤爲右僕
射楊發爲侍中楊珪爲尚書楊洪爲益州刺史
徐與爲鎮南將軍王達爲軍師其餘文武拜授
各有差追尊曾祖虎巴郡桓王祖慕龍西襄王
父特成都景王母羅氏爲王太后追謚世父輔
爲齊烈王仲父庠爲梁武王仲父流爲秦文王
兄蕩爲廣漢壯文公十一月羅尚移屯巴郡遣
兵攻掠蜀中斬雄從祖冉獲驤妻符氏及子壽